

Od sedam zadnjih noći, najbliža neparna noć Lejletu-Kadru jeste dva-deset sedma noć, zbog riječi Ubejja Ibn Ka'ba, radijallahu anhu: *"Tako mi Allaha! Ja znam koja je to noć koju nam je Allahov Poslanik, sallallahu alejhi ve sellem, naredio da provedemo u ibadetu. To je dvadeset sedma noć."* Muslim

Međutim, noć Kadr ne ograničava se na određenu noć tokom svih godina, već se mijenja, tako da naprimjer jedne godine bude dvadeset sedme noći, druge godine dvadeset pete... slijedeći Allahovu volju i Njegovu mudrost.

Dokaz ovome su riječi Allahova Poslanika, sallallahu alejhi ve sellem: *"Tražite je u devet zadnjih noći, u sedam zadnjih noći, i u pet zadnjih noći."* Buharija

Ibn Hadžer, rahmetullahi alejhi, kaže u Fethu El-Bari'u: "Najispravnije mišljenje jeste da je noć Kadr u zadnjih deset noći, i to u nepranim noćima, i ona se mijenja iz godine u godinu."

Rekli su islamski učenjaci: "Mudrost skrivanja (nepoznanice kada je noć Kadr) noći Kadra leži u tome da se ona traži u ovih deset noći kako bi se više činilo ibadeta, nasuprot tome da je ona poznata ljudi bi se samo vezali za nju."

Gospodaru naš, učini da Ti se zahvaljujemo, da te ispravno obožavamo, i da budemo od onih koji će naći noć Kadr, i koji će da je provedu u ibadetu vjerujući i nadajući se nagradi i oprost grijeha. Gospodaru učini nas Svojim pokornim robovima, Svojim štićenicima! Podari nam dobro i na dunjaluku i na ahiretu, i sačuvaj nas džehennemske patnje. AMIN

POSJETITE: Islamski Da'wetski Web Portal "ET-TAQWA" www.et-taqwa.com

PREPORUČUJEMO:

1. I'TIKAF – PROPISI I VRIJEDNOST I'TIKAF
2. PREDNOST ZADNJE TREĆINE RAMAZANA
3. SVETI MESDŽID EL-AKSA

SAFET SULJIĆ



Safet Suljić, Fakultet
Islamskog Prava - Riyad

RIYADH, 2010

U ime Allaha, Milostivog, Samilosnog!

Od posebnosti ovih zadnjih deset dana mubarek mjeseca Ramzana, odnosno noći jeste što se u njoj nalazi NOĆ KADR, noć koju je uzvišeni Allah, azze ve dželle, odlikovao nad drugim noćima, i noć čijom je vrijednošću i dobrom počastio ovaj ummet. Njenu vrijednost spomenuo je Allah, subhanehu ve te'ala, u svojoj knjizi:

إِنَّا أَنْزَلْنَاهُ فِي لَيْلَةِ مُبَارَكَةٍ ۚ إِنَّا كُنَّا مُنذِرِينَ [٤٤:٣] فِيهَا يُفْرَقُ كُلُّ أَمْرٍ حَكِيمٍ [٤٤:٤] أَمْرًا مِّنْ عِنْدِنَا إِنَّا كُنَّا مُؤْسِلِينَ [٤٤:٥] رَحْمَةً مِّنْ رَبِّكَ ۚ إِنَّهُ هُوَ السَّمِيعُ الْعَلِيمُ [٤٤:٦] رَبُّ السَّمَاوَاتِ وَالْأَرْضِ وَمَا بَيْنَهُمَا ۚ إِنَّ كُنْتُمْ مُّؤْمِنِينَ [٤٤:٧] لَا إِلَهَ إِلَّا هُوَ يُحْيِي وَيُمِيتُ ۚ رَبُّكُمْ وَرَبُّ آبَائِكُمُ الْأَوَّلِينَ [٤٤:٨]

"Mi smo počeli da je u Blagoslovljenoj noći objavljujemo, - i Mi, doista, opominjemo - u kojoj se svaki mudri posao riješi po zapovijedi Našoj! Mi smo, zaista, slali poslanike kao milost Gospodara tvoga - On, uistinu, sve čuje i sve zna -, Gospodara nebesa i Zemlje i onoga što je između njih - ako čvrsto vjerujete, drugog boga osim Njega nema; On život i smrt daje, - Gospodara vašeg i Gospodara vaših predaka davnih!" (Prijevod značenja sura Ad-Duhan, ajet broj 3-8)

Allah, azze ve dželle, naziva Knjigu blagoslovljenom zbog velikog dobra, bereketa i vrijednosti Lejletul-Kadr. Bereket i blagoslov Noći Kad-

ra ogleda se i u činjenici da je objava Kur'ana počela u ovoj noći. Svevišnji kaže da se u ovoj noći svaki mudri posao riječi, odnosno prepisivanja iz Levhi-Mahfuza Allahove odredbe – svega onoga što se desi u narednoj godini.

Također, Allah azze ve dželle, je rekao:

إِنَّا أَنْزَلْنَاهُ فِي لَيْلَةِ الْقَدْرِ [٩٧:١] وَمَا أَذْرَاكَ مَا لَيْلَةُ الْقَدْرِ [٩٧:٢] الْقَدْرِ خَيْرٌ مِّنْ أَلْفِ شَهْرٍ [٩٧:٣] تَنَزَّلُ الْمَلَائِكَةُ وَالرُّوحُ فِيهَا بِإِذْنِ رَبِّهِمْ مِّنْ كُلِّ أَمْرٍ [٩٧:٤] سَلَامٌ هِيَ حَتَّىٰ مَطْلَعِ الْفَجْرِ [٩٧:٥]

"Mi smo ga počeli objavljivati u noći Kadr - a šta ti misliš šta je noć Kadr? Noć Kadr je boja od hiljadu mjeseci - meleki i Džibril, s dozvolom Gospodara svoga, spuštaju se u njoj zbog odluke svake, sigurnost je u njoj sve dok zora ne svane." (Prijevod značenja sura Al-Qadr, ajet broj 1-4)

O vrijednostima noći Kadr govore i hadisi Allahovog Poslanika, sallallahu alejhi ve sellem. Tako se u dva Sahiha od Ebu Hurejre, radijallahu anhu, prenosi da je Vjerovjesnik, sallallahu alejhi ve sellem, rekao: "Ko provede noć Kadr u namazu, vjerujući i nadajući se nagradi, bit će mu oprošteni prethodni grijesi." Lejletul-Kadr je u Ramazanu, jer je Uzvišeni Allah otpočeo s objavljivanjem Kur'ana u ovoj noći, i obavijestio je da je to bilo u mjesecu Ramazanu:

إِنَّا أَنْزَلْنَاهُ فِي لَيْلَةِ الْقَدْرِ [٩٧:١]

"Mi smo ga počeli objavljivati u noći Kadr." (Prijevod značenja sura Al-Qadr, ajet broj 1)

Ova noć postojala je u prethodnim narodima i postojat će u ovom narodu, sve do Sudnjeg dana, kako bilježi imam Ahmed i Nesai od Ebu Zerra, radijallahu anhu, da je rekao:

"Allahov Poslaniče, obavijesti me o noći Kadr, je li ona u Ramazanu ili u drugom mjesecu?" Poslanik je odgovorio: "Svakako, ona je u Ramazanu!" "Je li ona postoji sve dok postoje poslanici, pa kada oni umru i ona se uzdigne, ili će ostati do Sudnjeg dana?", ponovo je upitao Ebu Zerr. Allahov Poslanik, sallallahu alejhi ve sellem, odgovorio je: "Naprotiv ona ostaje do Sudnjeg dana."

Međutim, njena nagrada i vrijednost odnose se samo na ummet Muhammeda, sallallahu alejhi ve sellem, kao što se i vrijednost dana Petka samo odnosi na naš ummet. Allahu neka je hvala na tome!

Noć Kadr je u zadnjoj trećini mjeseca Ramazana, tj. u zadnjih deset noći mjeseca Ramazana zbog riječi Vjerovjesnika, sallallahu alejhi ve sellem: "Tražite Lejletul-Kadr u zadnjih deset noći Ramazana." Muttefekun alejhi

Također, vjerojatnije je da je ona u neparnim noćima, a ne u pranim, shodno riječima Allahova Poslanika, sallallahu alejhi ve sellem: "Tražite Lejletul-Kadr u neparnim noćima, zadnjih deset noći Ramazana." Buharija

Također, vjerovatnije je da se ova noć nalazi u sedam zadnjih noći zbog hadisa Ibn Omera, radijallahu anhuma, u kojem se spominje da su pojedini ashabi, radijallahu anhum, u snu vidjeli da je Lejletul-Kadr u sedam zadnjih noći, pa je Vjerovjesnik, sallallahu alejhi ve sellem, rekao: "Vidim da se vaši snovi slažu oko sedam zadnjih noći, pa ko je bude tražio, neka je traži u sedam zadnjih noći." Muttefekun alejhi
Kod imam Muslima stoji da je Allahov Poslanik, sallallahu alejhi ve sellem, rekao: "Tražite je u zadnjih deset noći, pa ukoliko neko od vas oslabi ili malaksa, onda neka ne dozvoli da bude savladan u sedam preostali noći."